

Comentario den caso Natalee

Laga polis haci investigacion sin e circo di publicidad

ORANJESTAD (AAN) E caso di e mucha muher mericano perdi yama Natalee, kende te awe ningun hende sa kico realmente a pasa cune, ta yegando un punto cu pa dia pa dia ta bira mas dificil pa polis soluciona. Debi cu prensa internacional a core bula riba e caso aki

manera ta mundo a bin abao y na Aruba tambe algun hende cu ta yama nan mes periodista of reportero a bay haci buya cu e caso pa haya fama internacional (cual no ta nada di fama), e trabao di polis y Ministerio Publico a wordo malamente obstaculiza. Polisnan no por ni sali bay

haci investigacion drechi cu den un frega di wowo nan ta wordo rondona door di canalnan di television cu ta buscando tur manera pa nan bin como prome cu cualkier informacion relaciona cu e caso y no ta importa nan si e informacion ta corecto of no; importante pa nan ta cu e informacion mester wordo bendi como sensacion y supuesto noticia di ultimo ora riba e caso y nada mas.

Tur sorto di disparate y difamacion a wordo lansa contra polisnan di Aruba y contra pueblo di Aruba en general y Aruba a wordo pinta den exterior door di cierto medionan di comunicacion como un centro di droga y prostitucion y ultimo te hasta como un lugar unda cu lo ta secuestra hende pa industria internacional di prostitucion.

Ultimo dianan ta core te hasta e rumor cu cierto medionan di comunicacion internacional cu ta na Aruba lo ta dispone di aparatonan

sofistica cu cual nan por scucha riba un distancia di 100 pa 200 meter tur loke polisnan ta papia cu otro relaciona cu e caso di Natalee.

Cu tur e desaroyonan negativo menciona aki, ta con polis por traha den tranquilidad pa yega na soluciona e caso di Natalee?

Cuanto hende a pensa riba e aspecto y e circunstancianan ey cu polis mester tene cuenta cune 24 ora pa dia den e investigacion cu a wordo haci dificil pa nan?

Si no tabata tin tanto payasada y sensacion barata y negativo rond di e investigacion riba e caso di Natalee, polis lo por a yega dia bieu na soluciona e caso.

E momento a yega cu polis y Ministerio Publico mester tuma e decision cu nan no ta laga ningun instancia, ni local of internacional pone presion riba nan pa muestra nan con pa haci un trabao cu nan mes por haci y den pasado nan a demostra na varios ocasion di

por haci trabao investigativo na un forma profesional sin metemento di otro hendenan.

E circo di conferencianan di prensa pa asina cada biaha tene cierto medionan di comunicacion contento pa e sumanan grandi di placa cu nan a inverti pa manda grupo grandi di hende y material pa bin haci sensacion cu e caso di Natalee mester wordo para y laga polis haci su trabao den tur tranquilidad.

Tur loke ta wordo critica y poni riba internet y via otro medionan di comunicacion internacional tambe ta algo cu na Aruba ningun hende mester bay core cada biaha reacciona riba nan pasobra esaki ta perdemento di tempo y ta bay habri caminda so pa esnan cu mal intencion haya nan gana den exterior.

Pa polis y pueblo di Aruba den su totalidad loke ta mas importante cu cualkier otro interes ta, pa haya Natalee sano y salvo y mas lihe posibel.

Mericano a logra sali facilmente cu documento policial



ORANJESTAD (AAN): E ta un blunder of no? Pero indicacion fuerte ta muestra cu Diamars algo inaceptable a socede na Warda di Polis na Playa.

Un Mericano, kende posiblemente ta un periodista, a logra sali cu documento policial Arubano sin cu ningun musca a bula.

Pa colmo, el a hasta pidi esnan eyan mes pa saca fotocopia di e rapport policial, pa asina despues e baha na awa cune.

Fuentenan a confirma na DIARIO, cu e documento-

(nan) aki tin di haber cu e investigacion di desaparicion di Natalee Holloway.

Con por ta posible cu rapportnan policial ta cay den man di hende no-autoriza asina facil? E ta parece mas bien un blunder total!


Kizas Ministerio Publico tin di investiga, ta ki fechoria a socede Diamars na Warda di Polis na Playa?

C@MP@Ñ@ 2005!!

PLAN@RUBA

AVP

LAGAMI SPLICA BOSONAN DICON NOS A SCOHE PA E @AKI Y NO @!! E @AKI DEN SPANJO Y PORTUGES TA WORDO YAMA ARROBA!! PESEY NOS NO POR A PONE PLAN@RUBA ATROBE!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Reki di
baño
Afl. 29,95